

Bájkkeavijssa NuorttaSálto



Duvvosijdda merrabieles.
Tuvagården sett fra sjøsiden.

■ Konklusjavná dá rádjáj tjavtja arkeologalasj rággámijs Duvvosijdan Hábmerin Árran julevsáme guovdátjis dájmadum, duodasti diedoijt tjálasaj gáldojs sijda ruoddima ja árudagáj birra birrusin jages 1870.

Arkeologa ja seniordutke Oddmund Andersen le aktan rádevaddijn ja etnologajn Lis-Mari Hjortfors Duvvo-prosjevta ávdás vásstedam. Arkeologalasj rággáma tjadávvin ragátmánon. Sæmme ájge barggagáhtin tjoahkkimijn njálmálasj diedojs ulmutijis gænna li diedo Duvvo birra ja ulmutij birra gudi danna árrun. Dát barggo joarkká javlajda ja ihkap aj boahhte jage.”Álgos lidjin jáhkkám lij máhttelis gávnnaat bátsudisájt árromsajes ja dájmas guovlon nav mañnet gá 15-1600 jagijs. Valla navti ittjij geva.

- Ejma nagá gávnnaat arkeologalasj duodastusá árronguovlojs guhkebuov manus gá 1800-jagijda, javllá Oddmund Andersen. Galla li vilá muhtem analyssabáhtusa pollenguoradallamijs majt vuorddi, valla Andersen ij jáhke da ádá konklusjavnájt bukti. Dákkir guoradallama máhtti ájgev mierredit goassa ulmutja vuovdev ja miehtsev adnegáhtin, goassa pollen soages ja bietses málsoduváj rásse-pollenijn ja bátsudisájt gárrnesáddjimijn. Dákkir analyjsa aneduvvin duola dagu gá guoradallin báhppavieso guovlov Gásluovtan.

- Arkeologalasj diedo majt lip gávnnaat vuosedi sæmme diedoijt majt diehtep, Duvvoj árrujin birrusij 1870, miejnni Andersen.

Ulmusjláhko jages 1875 le vuostasj tjálasaj duodastahttem árudagá birra Duvvon. Dalloj árrun ulmusjlágo milta gálmma familja sijdan, divna sáme. E aktak nammaduvá ednambarggen jali ruoddijiddjen, valla miehtseberggen, guollárin ja tjehttárin. Dát merkaj jagen 1875 ij lim vássám nav guhka ájgge dat rájes gá lidjin dasi árrun. Dáv duodastuvvá aj Jon Pedersen Duvvos guhti tjállá áhtsámusán goahtebáññkaj jagen 1905; ”Duobddák le aktisasjmiehtse, mij le ruoddidum ja áruduvvam áhtjestimes”. Jona ájgáda lidjin Paul Pedersen (Borje) ja Inger Jonsdrt (Saulo). Dá gálmás, Jon



Lis Mari Hjortfors kulturmujoijt duodastahtta. Lis-Mari Hjortfors dokumenterer kulturminner. Foto/gávvá: Oddmund Andersen

Ij le nav oabme dagu álgos jáhkkkin

ja ájgáda, lidjin jáhkedahte vuostatja gudi Duvvuj árrujin. Duvvos jáhtin 1960-jagijn. Mañemus jagijt li da bátse tsiekkadusáj ájgáda – John Magnus, Tordis ja Even Johnsen – berustallam bisodit sijda histávráv ja bisodit gádjijt ienemusát nav gákk lidjin álgo rájes. Sámedigge le rudáj doarjodam, ja Árran, Museum Nuortta ja Hábmara suohkan li oassálasstám. Dáj ulmme le læhkám ásadit Duvvov sáme ávddánbuktemsiiddan. Dát barggo le ganugahteduvvam rijdo diehti ájgátdile birra guovlon. Árrana arkeologalasj rággám ja árbbedáhpeditoj tjoahkkim Duvvo-sijda iellema birra li læhkám berustahtek dáj rahtjalis plánaj.

- Diedoijt majt mijá prosjevta baktu áttjudip sjaddi vaddet ádá máhtudagáv sáme histávrá birra Hábmerin ja sjaddá liehket stuorra ávkken jus vuorbástuvvi ásadimijn sáme ávddánbuktemsiiddajn, miejnni Oddmund Andersen. Gá prosjektá le gállám de li oadtjum diehtet duola dagu Skogbruksmusean Elverum-an li miellagiddis gávne Duvvo-sijdas sijá vuorkájn.

- Sierraláhkáj suohtas le mij gáhtjoduvvá tjievresguvkkaliddjen Duvvos, mij le gullum Joakim Jonsenij, nammadum Duvvo Jona bárnne. Dájna tjievrev

guvkkalin bivdedijn. Bivddo ja guollim lidjin ájnas æládusá ulmutijda Duvvon. Ájggop gæhttjalit dav luojkkat Skogbruksmuseas. Ihkap vilá gávnnuji ulmutja gudi máhtti vuosedit gáktu dakkir guvkkaliddijn bitjádin, hæjttá Oddmund Andersen.

Oddmund Andersen arkeologalasj kártaj tjavtja bállemijs Duvvosijdan. Báhtusa rággámijs ja árbbedáhpeditoj tjoahkkimis ávddánbuvteduvvi sierra diedádusán ja artihkkalin boahhte jage Bårjásin.

Oddmund Andersen med de arkeolog-iske kartene fra høstens utgravinger på Tuvagården. Resultatene fra utgravingene og innsamlingen av tradisjonsstoff vil bli presentert i en egen rapport og i en artikkel i neste års Bårjås.

